

AUGLÝSING

um umferð í Reykjavík.

Samkvæmt heimild í 81. gr. umferðarlaga nr. 50/1987 og að fenginni tillögu borgarráðs hefur verið ákveðið:

1. bann við vinstri beygju inn á Suðurlandsbraut frá útkeyrslu af hliðargötu á móts við lóðamörk milli nr. 12 og 14,
2. bann við vinstri beygju inn á Suðurlandsbraut frá útkeyrslu af hliðargötu á móts við lóðamörk milli nr. 26 og 28,
3. að einstefna verði á hliðargötu við Suðurlandsbraut frá útkeyrslu frá lóð nr. 16 að innkeyrslu frá Suðurlandsbraut við vesturmörk lóðar nr. 6,
4. að einstefna verði á hliðargötu við Suðurlandsbraut frá inn/útkeyrslu austan við nr. 32 að innkeyrslu frá Suðurlandsbraut á móts við nr. 18.

Ákvörðun þessi tekur gildi 10. desember 1989.

Lögreglustjórinn í Reykjavík, 22. nóvember 1989.

Böðvar Bragason.

SKIPULAGSSKRÁ

Vísinda- og tækjakaupasjóðs sýklarannsóknadeildar Landspítalans.

1. gr.

Sjóðurinn heiti Vísinda- og tækjakaupasjóður sýklarannsóknadeildar Landspítalans. Heimili og varnarþing er í Reykjavík.

2. gr.

Stofnandi sjóðsins er Ólafur Steingrímsson, Steinaselí 5, yfirlæknir á sýklarannsóknadeild Landspítalans.

3. gr.

Tilgangur sjóðsins er að efla læknisfræðilegrar rannsóknir á sviði smitsjúkdóma og sýklafræði með tækjakaupum og rannsóknastyrkjum, m.a. til endurmenntunar og símenntunar starfsfólks.

4. gr.

Stjórn sjóðsins skipa 3 menn. Yfirlæknir sýklarannsóknadeildar Landspítala, sem er formaður, sérfræðingur í smitsjúkdómum á Landspítalanum eða yfirlæknir smitsjúkdómadeildar, þegar hún verður sett á stofn og framkvæmdastjóri stjórnunarsviðs Ríkisspítalanna.

5. gr.

Stofnfé sjóðsins er kr. 300 000,00 og má ekki skerða það.

6. gr.

Tekjur sjóðsins eru arður af fé hans og frjáls framlög hverju nafni, sem nefnast. Heimilt er að fela sjóðnum vörslu og bókhald styrkja, sem ætlaðir eru til rannsókna á sviði sýklafræði og smitsjúkdóma. Vextir af fjármunum í vörslu sjóðsins skulu renna til hans.

7. gr.

Stjórn sjóðsins ákveður á hvern hátt hann skuli ávaxtaður og hvernig fé hans skuli varið í samræmi við 3. gr. Ráðstöfun rannsóknastyrkja í vörslu hans skal háð eftirliti og samþykki sjóðstjórnar.

8. gr.

Sjóðstjórn skal halda fundagerðarbók um ákvarðanir sínar og um hvað eina er varðar rekstur sjóðsins. Stjórnunarkostnaður greiðist af tekjum sjóðsins. Einfaldur meiri hluti stjórnar ræður ákvörðunum, sbr. þó ákvæði 10. gr.

9. gr.

Reikningsár sjóðsins er almanaksárið. Reikningsskilum skal lokið fyrir 1. júlí næsta ár á eftir reikningsári. Reikningar skulu endurskoðaðir af löggiltum endurskoðanda.

10. gr.

Skipulagsskrá þessari má breyta ef það telst nauðsynlegt eða heppilegt vegna breyttra aðstæðna. Slíkar breytingar skulu hljóta samþykki dómsmálaráðuneytis. Engin breyting á skipulagsskránni fær þó gildi, nema stjórnin sé einhuga um hana. Aldrei má breyta ákvæðum 3. gr. um tilgang sjóðsins né heldur ákvæðum 11. gr. um ráðstöfun eigna við sjóðsslit.

11. gr.

Verði sjóðurinn lagður niður, skulu eignir hans renna til tækjakaupa á Landspítala, skv. ákvörðun stjórnarnefndar Ríkisspítalanna.

12. gr.

Leita skal staðfestingar forseta Íslands á skipulagsskrá þessari.

Reykjavík, 14. nóvember 1989.

Ólafur Steingrímsson.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 23. nóvember 1989.

F. h. r.
Jón Thors.

Fanney Óskarsdóttir.